

ME CAR AMIS, A SON GAJOUR, AT SCRIV DAL PARADIS.
L'È ZÀ DA 'N PÒ, CHE QUÒND CH'A UARD DABAS,
I VÒST' DISCURS IM BITU ANT L'IMBARAS.

U J'È DI DIRIGENT CH'J'ÒN EL CURAGI
AD FÈ DU TÛT PÈR FÈV CAMBIÈ LINGUAGI.
BENIGNI, QUÒND CH'AL VA 'N TELEVISION,
U ROMPAL BALI A TÛCC... COI SO CUJON...
FUNARI A L'È U SGOND CH'U SIGNA 'L PAS
CON: FIÓ 'D 'NA BRAVA DÒNA E TÈSTA 'D CAS.

MA S'AT DIG ME!... A J'Ó SENTI COSSIGA
CHE CON J'AMIS AL PARLA ANMAC'AD... DÒNI...
E I DEPITÀ? S'U J'È CHICCÒS DA MÒRDI
I RÛSIU SEMPER... PÈR BITIS DACÒRDI;
FINÌ 'D SPARTÌ, S'U J'È PÛ NENT DA PIÈ,
IS BITU TÛCC DACÒRDI... PÈR RÛSIÈ!
ACSÉ, TRA 'N CRISTU SANTU E 'NA MADÒNA,
A SENT CH'IS DÒN DEL FIÓ AD BRAVA DÒNA!
ANDÒNDA D'IS PAS CHI ANT U DOIMILA...
U TIRERÀ DI CRISTU ÒNCHE VOITILA!

J'È ZÀ I BOISCAUT, CHE QUÒND CH'I FÒN PIPÌ
IS DISU JÈN CON L'ATER: CIAPA CHI!...
E CUI CH'I GIRU SEMP' AN SACRESTIA...
I "FILU" CON LE FIGLIE DI MARIA.
SE 'N FIÓ CH'U DA N'ESAM L'È "SFURTINATO",
I SO CUMPAQN I DISU CH'L'È "SFIGATO"
SE 'NVECE L'À LA TÈSTA CME 'N BALONS...
EL PRUFESUR UI DIS CH'L'È 'N PÒVER STRONS!

IN ATER CULP AL'Ó CIAPÀ L'ATR'ERI
DA DOI STÛDENT AUSEN A 'NA FERMATA:
PARLÒNDA DLA CUMEDIA DL'ALIGHIERI...
J'ÒN SENTENSIA' CH'A L'È 'NA GRÒN CAGATA!

IN FIÓ CH'A L'ERA ANS L'ATER MARCIAPÉ
A L'À CRIJÀ A JÈN-NA CH'L'ERA LÉ:
U T'ÈL PÛ CAR MANZONI... O RINTINTIN?
A J'À RISPÒST... CH'L'È MEI EL MANZOTIN!
ADÈS L'È ZÀ DA 'N PÒ CHE NÒSTER PARI
U CIAMA A TÛCC I "SANTI DEL CREATO"
S'I PORU RINTRACÈI IN DISIUNARI
CH'U SPIEGA LA PAROLA "INCAZZATO".

'ME CH'L'À SAVI CHE ME A SO U "DIALÈTTO"
 M'A' SÜBIT FACC CIAMÉ AU SO "COSPÈTTO"
 E PO M'A' DICC: STA'TENT CHE ME T'AVÈRT,
 QUÒND 'T UARDI ZÜ DABAS, TEN J'OQQ DRUÈRT...
 FA FENTA 'D NIENTE... MA SLARQA IS DU URQIASI
 CH'AT POSI CAPI BEN EL PARULASI...

- PENSÒNDA A LA PAROLA CHE NÒST' PARI
 L'AURIVA DECIFRÈ COU DISIUNARI,
 UM'È 'VNI 'N MENT CHE DÒP A VARI MEIS,
 CUL DÌ CHE BARBARUSA US N'ERA "ANDATO"
 AVGHENDLI CH'L'È 'VNI NEJER CME LA PEIS...
 A J'Ò CAPI 'SE CH'L'È IN INCAZZATO!

ADÈS ME CAR SANDREN SGÜRTE LA VISTA
 CHE ME A VOI CHINTÈT ANCURA ISTA.

I SÒNT IM DISU SEMPER; FA CH'AT N'ABI
 S'AT VORI NENT PASÈ PÈR IN ARUABI...
 E S'T N'EISI MEA, PIÒNS NENTA PÈR FÈ PEJNA
 DI SEMP CH'A T'À EL FEN ANS LA CASEN-NA...

I CREDITUR I CURU AI SENT A L'URA
 PR'AVNIT A DI SE TE 'T NA VORI ANCURA,
 SE PO 'T J'A BRÜSI E 'T RÈSTI SENSÀ 'N PITU...
 PÈR NENT PASÈ PÈR CIULA I STÒN SEMP' CITU!

SUCHI 'L VA SUSURÀ ANT EL J'URIGI
 A TÜCC I DIRIGENT CH'U J'È 'NT I GRIGI...
 J'ÒN NENT'ANCUR CAPI CHE COL BALON
 US PO FINÌ DABON ANT EL BALON!

CME FÈ A TENI AN PÉ CON DEL CIACIARI
 IN SPORT CH'A L'È DVENTÀ PÈR MILIARDARI!
 L'ÜNIC RIMEDI PÈR NENTA DÈS A L'IPICA...
 L'È CUL AD DEDICHÈS A LA PULITICA.

EL BASTA FÈ TACHÈ DEL J'ETICHÈTI
 COU SIMBUL D'IN PARTI ANS EL MAJÈTI;
 'T VIGRAI J'ANTERESÀ CH'IS FÒN AN QUATER
 PÈR SCRIVI VIVA IST O VIVA L'ATER...

SE PO CHICDÈN L'À VOJA 'D VIGSI 'L MÜR
 FUTUGRAFA 'NS EL CÜ D'IN GIUGADUR...
 UV BASTA FÈ U RITRAT ANS EL MÜDÒNDI
 CON LÜ DADRERA... E 'L VIVA ANS U DAVÒNTI!

E ADÈS ME CAR SANDREN PARLUMA D'ATER
 CHE L'ARGUMENT D'ANCÓ A L'È 'N TEATER.
 'M RICÒRD CHE QUÒND CH'I J'ERI GIUVN VUJATER
 S' J'AURIVI FÈ PASÈ DU URI BON-NI
 J'ANDAVI QUASI SEMP' ANT IN TEATER
 SETÀ CUMUDAMENT ANS EL PULTRON-NI.

IST'ANI EL VÒST' TEATER CUMUNAL
 A L'À PIASÀ 'NS EL PALC 'NA PILA D'AS
 E QUÒND CH'AL FA 'N "TRAVAI" SPERIMENTAL...
 AL FA SETÈ LA GENT ANS I TAULAS!
 COL CORD CH'AL CANTAVA ZÜ 'N PLATEA
 S'UV FIIS' AVNÌ N'ATAC 'D DIENTEREA
 CHI CH'È CH'UV PIAVA AN BRASA DA 'NS IN AS
 PÈR TRÈV ANSÜMA AN WATER CH'È DABAS?!

AI TEMP CHE 'L CAP DU STAT A L'ERA U DUCE,
 CUI CH'J'AVU DA PAGHÈ EL GAS E LUCE
 I STAVU TÜCC TRANQUIL ANT LA SO CA
 FINTONT CH'UI FIIS RIVÀ L'INCARICÀ.
 ADÈS PÈR FÈV PURGHÈ TÜCC I PECATI
 IV MONDU A DUMICILI EL FOI DEL RATI
 E DÒP I STEI AN FILA PÈR IN URA
 DAVÒNTI A N'IMPIEGÀ... CH'U DRÒM ANCURA!

- ÈL VEIRA CHE I PEDON AD VIA QUASCO
 PÈR TRAVERSÈ LA STRÀ IS BITU 'L CASCO?!
 M'ÒN ÒNCHE DICC CHE CUI CH'J'ÒN LA SCOLIOSI
 IL'ÒN BATSAJA... LA VIA DELL'ARTROSI!

J'ÜNIC PEDON CH'Ì CASCU MAI PÈRTÈRA
 I SON CUILÀ CHE PRIM'ANCUR' DLA QUÈRA,
 J'ERU FANCIÒT CHE ANVECE D'ANDÈ A SCOLA
 J'ANDAVU A TANI A FÈ LA SGHIAROLA.

U J'È N'EQUILIBRISTA AU CIRCU ORFÈI
 CH'U DIS CHE LÈ DA VOI L'È TÛT OCHÈI;
 MA QUÒND CH'LA TRAVERSÀ VIA CAVUR...
 COI MARCIAPÉ BAGNÀ S'È RUT AL MUR!

IN FANCIUTEN CH'L'AVNIVA A CÀ DA SCOLA,
 CH'U SAVA NENT' 'SE CH'L'È LA SGHIAROLA,
 A L'È FINÌ 'NT IN BOGG E DA LÈ 'NDRENTA
 U J'ERA CALÀ PÒC CH'IL TROVU NENTA.

J'Ò FINÀ VIST DLA GENT AN BICICLÈTA
 CHE QUÒND CH'LA RIVA... VIVA ANS LA PIASÈTA,
 S'LA SENT DI DULUREN AN FOND LA SCHEN-NA...
 LA VA A PUSÈ 'L CIAPI ANS 'NA BANCHEN-NA.

S'A FIISA ME EL CAPO DELLO STATO
 PÈR FAVURÌ CUILÀ CH'Ì VÒN A PÉ
 A RÒNC TÜCC I CARTÈL "SENSO VIETATO"
 PO FAS GAVÈ I SCALEN DAI MARCIAPÉ.

LA GENT CH'LA FA D'J'AQUIST ANT I NEGOSI
 LA PO GIRÈ TRANQUILA AN TÛT EL STRÀ

CUMUDAMENT SETAJA ANS EL CARÒSI
 TIRAJI CME 'N RISCIO' DAI "VU CUMPRÀ"
 A SON SICÜR CHE ANT U GIR D'IN ANI
 UI RIVA DI TURISTI DA LUNTÒN
 CH'I LASU L'AUTUMÒBIL 'D LÀ DA TANI
 PÈR FÈS PURTÈ 'N SITA' DAI MUSULMÒN,
 SE PO I SENTI DI DA 'N GIURNALISTA
 CHE 'L VÒST CUMPURTAMENT L'È DA RASISTA,
 PURTEL DA L'ÒMI BIÒNC CHE NT L'USPIDAL
 UT LAVA LA PADELA E 'L PAPAQAL!
 SE IS IJ LA FEI FÈ A 'N BON CRISTIÒN,
 I BENPENSÒNT I DISU CH'L'È NURMAL,
 PRUVÈ A FEILA FÈ A 'N MUSULMÒN...
 I PASI PÈR RASISTA CRIMINAL!

ADÈS AL CIAM A VOI S'L'È DIQNITÀ
 LASÈ CHE TÛT 'SA GENT CH'LA MOR AD FAM
 LA VAGA AN GIR CIAMÒNDA CARITÀ
 PÈR PO MANGÈ 'N PANEN... SENSÀ SALAM!

A PENS CHE PEDALÒNDA COL BIRÒCC
 US POSA QUADAGNÈ PÈR STÈ 'NT N'ALÒGG
 E IST AT LA DIQ ME CH'L'È ALTRUISMO
 CH'L'À NIENTE A CHE FÈ CON U RASISMO.

- A VIQ CHE CUL RANCEN 'D SÒN BAUDULEN
 UM DIS 'D PIANTÈLA LÉ CH'L'È URA 'D SEN-NA;
 DA QUÒND CH'A L'À SAVI CH'UM PIAS EL VEN
 M'À MAI PÛ DACC EL CIAV DLA SO CANTEN-NA!

PENSÈ CHE ME A J'Ó IN TAJAVEDER
 CH'U M'AVA DACC EL ME AMIS SÒN PEDER;
 CON IS A J'Ó DRUBÌ ÒNCHE 'L FNÈSTREN
 CH'U J'È ANT LA CANTEN-NA 'D BAUDULEN.

ACSÈ PÈR CASTIGHÈ IS TARANÇON
 A J'Ó CIAMÀ L'AJÛT AD BARBARUSA
 E DÒP AVEI CIMPA' EL VEN PÛ BON...

A J'UMA AMPÌ 'L BUTIQLI... D'ACQUA DUSA!
 CUL DÌ CH'U S'N'È ACÒRT U M'È 'VNI COUD,
 U DIVA ANSÈMA A TÛCC CH'L'È STACC GAJOURD,
 E QUÒND CH'L'À RECLAMÀ CON NÒSTER PARI...
 J'À RISPOST-TO CIAPALÉ... ACSÈ T'AMPARI!

ADÈS A VAG DABON ME CAR SANDREN,
 AT LAS ANDÈ, MA DIJ AI LISANDREN
 CHE SE J'AFÈ J'ANDEISU UARI BEN...
 A SPER 'D PUDEI PARLÈNI PER ST'AN QUEN!